



UNIVERSITÄTS-  
BIBLIOTHEK  
PADERBORN

**Ioannis Tollenarii Brvgensis e Soc. Iesv Specvlvm  
Vanitatis Sive Ecclesiastes Solvta Ligataq. Oratione  
Dilvcidatvs**

**Tollenaer, Jean de**

**Antverpiæ, 1635**

Ecclesiastes.

---

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

sed benè vrentibus: & aurèam ætatem aurei reducunt mores. Itaque damnatâ hac de temporum diuersitate querelâ (cùm omni tempore bona promiscuè ac mala proueniant) res ipsas nos potiùs attendere iubet Ecclesiastes, tribus proximis Sectionibus docens, quid boni potissimùm optandum sit, & quomodo animus lætis tristibusque sit aptandus.

## SECTIO VNDECIMA.

## ECCLESIASTES.

VERS. 12. Vtilior est sapientia cum diuitiis, & magis prodest videntibus Solem.

13. Sicut enim protegit sapientia, sic protegit pecunia. hoc autem plus habet eruditio & sapientia, quòd vitam tribuunt possessori suo.

## METRICA PARAPHRASIS.

**D**IVA quæ fines regis Antiatum,  
Quam colit vasti domitor profundi,  
Quæ rota mundum volucris citato  
Turbine versas;

Nil agis, firmum quoties minaci  
Territas robur sapientis arcu, aut  
Mentis excelsæ clypeo proteruâ  
Fronte duellas.

Ille ceu rupes maris Adriani  
Temnit imbelles Aquilonis iras,  
Temnit vndosæ Thetidis furores  
Spumea tela.